

## AQUA SALSA DULCORATA

SIVE

Accurata novi Hujus Artificii,

QUATENUS TUM MARIS,

tum Portuum Incolis, utilis,

## DESCRIPTION.

ACCESSIT PRÆTEREA

Plena omnium alicujus momenti contra novum

HOC ADINVENTUM OBJECTIONUM

## SOLUTION.

NEC NON

Approbatio Collegii Medicorum  
Londinensis.Epistola denique Honorabilis Roberti Boylei  
hac super re ad Amicum conscripta.


---

EDITIO SECUNDA.

---

L O N D I N I,

Excudebat J. Gain, pro Gulielmo Cademan,  
ad Insigne Papa-Capitis in Cambio Novo, 1684.



*Serenissimo Principi*  
**C A R O L O II.**  
**Magnæ Britanniae**  
**R E G I.**

*Serenissime Princeps,*

**Q**Uando, non ita pridem mihi unâ cum  
 Domino Boyleo Collegisque meis, Ma-  
 jestatem tuam, de aquâ falsâ in dul-  
 cem convertendâ convenire licuit, rem tanta  
 tamque publicæ utilitatis iis annuentis animi in-  
 diciis Majestas tua excepit, quæ humillimas jam  
 a nobis gratiarum actiones meritò reposcant :  
 quia tamen nec tam oculato Principi, judicij-

que adeò limati imponere quisquam potest, nec  
 Majestas tua quicquam nisi certum, confirma-  
 tum, atque undique firmum unquam approbat,  
 propitiam novo huic Adinvento Sententiam eo  
 usque differendam putavit, dum per otium rem  
 plenius totam, attentiusque examinaret : ubi  
 autem precipuas, quae occurrebant removissemus  
 difficultates, omniaque alicujus momenti, ut in-  
 fra patebit, objecta diluissimus, placuit Maje-  
 stati tuæ, nostra in commune bonum consilia  
 probare, rataque, ac fixa habere, concessis etiam,  
 quas summâ animi demissione, gratitudineque  
 accepimus, Patentibus Litteris tuis : ne tamen  
 Speratum ex suscepto à nobis negotio meteremus  
 hæcenus emolumentum, quadam, remora instâr  
 obstiter ; præcipue tamen obstitit, præter quas-  
 dam cujuspiam Suggestiones, horrenda illa, ac  
 sacrilega, quæ exin haud ita pridem feliciter  
 detecta fuit, conspiratio : rei siquidem atro-  
 citate, vehementius ut par erat, commoti, re-  
 rum nostrarum curam seposuimus, ut divinam  
 circa Sacra Majestatis tuæ tutelam mirabundi,  
 aliquantisper contemplaremur providentiam :  
 neque enim, negotium hoc urgere tum temporis  
 decebat, imo officii nostri ratio a nobis exigere  
 videbatur ut hac super re, eo in rerum  
 statu qui funestum adeò quid tribus hisce  
 regnis minabatur, nec apud Majestatem tu-  
 am nec Consiliarios, tuos, imperiique hujus



ministros ulterius quidquam moveremus.  
 At dissipato jam magnâ ex parte timore  
 nostro, soliôque tuo Dei gratia tuâque Sa-  
 pientiâ firmius stabilito in dies supplices  
 iterum ac venerabundi nostros Majestati tuæ  
 consecramus labores, tum quod ad neminem  
 potiore jure pertineant, tum quod quicquid tu,  
 Princeps Serenissime, semel probâris, non  
 possit non esse maximi per totam terrarum  
 orbem ponderis, ac momenti. Sed nequa  
 Domino Boyleo injuria fiat, totum hoc opus  
 eo majore speramus cum applausu ab om-  
 nibus accipiendum, quod Ipse ne quid am-  
 pliùs dicam, præcipuus ejus promotor  
 exiiterit: tantò certe dignum ingenio,  
 genioque tam benigno molimen: quicquid  
 enim inde vel patriæ, vel reliquis mortalium  
 nasciturum sit emolumenti, non aliam ipse  
 sibi mercedem, quam publicam cui unice  
 studet, utilitatem, proponit. Et certè  
 fieri omnino nequit ut non plurima, maxima-  
 que hinc navigantibus oriantur commoda, tum  
 in diuturnioribus navigationibus, in quibus ob  
 tranquillum sæpe mare, aliòsque subinde ca-  
 sus destituuntur Navigatores aquâ, tum etiam  
 in portibus maritimis qui salubrioris aquæ dul-  
 cis penuriâ laborant: adde quod exiguo la-  
 bore, nec magnis impensis aquea hujus ope  
 machine aqua paretur saluberrima, ut fusus

(6)

*his à Schedis patebit, quai ad Majestatis  
tuæ pedes supplex advolvit, tutelæ tuæ ac  
nomini, dedicat, vovet, consecrat*

Subditus

Majestati tuæ

Devotissimus

*R. Fitzgerald.*

---

CUM

---



---

*Cum ex iis quas Regi venerabundi inscripsimus literis, propositus huic operi scopus satis superque eluceſcat : ſupereſt ut quadam circa ſalubritatem, uſum, pretiumque huius aquæ dubia removeamus.*

**Q**uæritur itaque 1. utrùm ea huius aquæ copia identidem fieri poſſit, quæ in omnes navium uſus abunde ſuppetat.

R. Nonaginta circiter aquæ Congii vigintiquatnor horarum ſpatio obtineri poterunt instrumento ſub navium foris reponendo, cujus Diameter pollices triginta & tres vix excedat : jam tres ad ſummum quartarii cuius p e id tempus ad uſus neceſſarios ſatis erunt ; Si autem capacior navis, in qua plurimi forte vectores, aquam copioſiorem requireret, tum duo, plurave instrumenta, quæ vel unus regat, æquo comparari pretio poterunt.

Quæritur 2. utrùm, si operatio ignis ope peragenda sit, perito Chymico quovis in Navigio, opus necne sit ?

R. Quilibet Nauta horæ unius, alteriúsve spatio, quâ preparari hæc aqua methodo debeat, facillimè addiscet.

Quæritur 3. quid facto opus si quis hanc Machinam casus perverteret ; non semper enim adsunt in navibus, periti, qui reparent, artifices ?

R. Eo hæc Machina artificio constructa est, ut verosimillimum sit eam nunquam fore irregularem, aut esse pervertendam.

Quæritur 4. utrùm hæc Machina urgentibus etiam procellis ac tempestatibus usui futura sit ?

R. Cum aqua dulcis hujus ope Machinæ facillimè haberi possit, quæ ejusmodi in casus mensura sufficiat, vel per malaciam vel in portubus à providis nautis paranda erit. Cæterum his quoque in angustiis usui haud dubiè hæc Machina erit, atque, quæ satis sit, aquam suppeditabit : quantum ipsa hoc in casu necessitas ad minorem solita portionem nautas compellere soleat.

Quæritur 5. Num quod navi ab igne, qui necessarius erit, periculum, aut nanigantibus a fumo offendiculum metuendum sit ?

R. Quovis in navigio hæc Machina facillimè sic collocari potest, ut nullus ejusmodi periculi, aut offendiculi metus futurus sit, Quæ-

Quæritur 6. quo hæc Machina pretio vendenda sit ?

R. Vix huic adhuc quæstioni hic satisfieri potest, Machina enim ipsa pro mole majore minoreve navium, major minorque erit : Maxima tamen, opinor, viginti ad summum Libris Anglicis constabit : Cæterum quævis per multos annos integra perseverabit, ubi autem necessarium visum fuerit hoc uti instrumento, ipsa in terra, littoréve, cervisiæ conficiendæ gratia aliosve domesticos in usus, capaciores longe Machinæ esse poterunt quam eæ quæ in navibus adhibentur.

Quæritur 7. num ingredientia magno commendanda pretio, aut spaciosum locum occupatura sint ?

R. Expensæ nullius pœne momenti erunt ac perexiguæ, emolumentis ex hac aqua orituris comparatæ : quod autem ad spatium in navi occupandum attinet, dolium unicum, vel etiam dimidium his ingredientibus plenum itui ad Indias Orientales, redituque abundè sufficiet.

Quæritur 8. utrùm hæc aqua è falsa in dulcem conversa sit salubris ?

R. Cum hac super re celeberrimus *Bacon* doctissimè scripsisset, aquam marinam sale suo absque ullo noxio additamento expurgatam, ne somniavit quidem esse insalubrem ; neque ullus hactenus hanc rem in dubium revocavit

vit: ne tamen quidam publico minùs bono propitii ejusmodi deinceps scrupulum movere possint, hujusce *operis* susceptores, ut omnibus hac super re satisfaceret, celebri doctoroque medico, Collegii Medicorum, regiaeque societatis socio hanc aquam speciatim examinandam permiserunt, cujus de eadem hæc fere pronuntiata sunt.

1. Hæc aqua levior est plerisque aquis *Londinensibus*.

2. Diaphana est, omnisque expers hypostasis, seu sedimenti ut alia quævis salubris aqua.

3. Quævis aqua melius saponi commiscetur minusq; ejusdem ut detergat requirit.

4. Saccharum cæteris citius aquis dissolvit.

5. Communi citius aqua evaporatur.

6. Aqua communis uon multos intra dies putrescens sædum expirat odorem, hæc non minus dulcis, octo post menses quam cum recens adhuc foret, incorruptaque permanet.

7. Præstantiores aqua nulla Gelatinas efficit.

8. Coquit ad teneritudinem pisa, carnem seu bovinam, seu vervecinam, pisces, &c. absque ullis vitiati saporis, aut coloris indiciis.

9. Nullus in eadem seorsim sumptâ non laudabilis sapor, bullitque in lacte nullo facto coagulo.

10. Crescunt in ea flores, plantæ, cæteræque vegetabilia, ipsa etiam animalcula in ea vivunt, quod certum salubritatis indicium est. Novaq; idem circa argumentum Experimenta ab ingenioso quodam Medico facta propediem prodibunt in lucem.

Varii deniq; primæ nobilitatis viri, videlicet, Comites *Westmorlandia*, *Shrewsberrye*, *Mulgrave*, *Burlington*, Domini *Falconbridge*, *Lumly Dumber*, *Chomley*, præter non paucos rerum maritimarum præfectos, & medicos, absque omni valetudinis suæ detrimento hanc aquam potarunt : nequis autem de salubritate hujus aquæ dubio supersit locus, testimonium Collegii Medicorum *Londinensis*, aliorumque medicinarum doctorum hic apponendum curavi.

*Approbatio*



*Approbatio Collegii Medicorum Londinensis,  
aliorumque Medicina Doctorum.*

Cum aliquot abhinc mensibus ex publico Mercurio certiores facti essemus, inventam esse a Domino *Roberto Fitzgerald* artem aquæ marinæ in dulcem convertendæ, quâ necessaria navigantibus aqua suppleri facili negotio possit, nequid vitii huic aquæ sale suo exoneratæ quisquam inesse deinceps putet, visum nobis est hac super re Dm. *Boyle* spetiatim consulere : à quo abundè nobis satisfactum est : ab eo enim accepimus rem totam igne esse probatam, paucæque ea, quæ adhibentur, *ingredientia*, & igne figi, & noxia omni qualitate carere : quapropter inspectis quoque nonnullis aliis experimentis a Collegis quibusdam Societatis nostræ Regiæ factis, declaramus in eâ nos esse mente, hanc aquam sale suo sic expurgatam, esse bonam, absque ullo noxiæ qualitatibus metu, quotidianos in usus adhiberi posse, esseque cuivis aquæ, quâ navigatores uti solent, salubritate nihilo inferioriorem, quod in gratiam dicti domini *Fitzgerald*, ejusque rogatu, omnibus Præsentes inspecturis manifestum esse volumus.

*Thomas Cox* Præsides Collegii Medicorum.  
*Carolus Scarburgh* Eques Auratus, & M.D.  
*Daniel*



*Daniel Whistler, M. D.*

*Gulielmus Denton, M. D.*

*Thomas Millington Eques Auratus & M. D.*

*Thomas Allen, M. D.*

*Edmundus Dickenson, M. D.*

*Willoubigh, M. D.*

*Gulielmus Croone, M. D.*

*Walterus Needham, M. D.*

*Thomas Short, M. D.*

*Witherly, M. D.*

*Richard Lower, M. D.*

*Daniel Cox, M. D.*

*Nehemias Grew, M. D.*

*Joannes Windebank, M. D.*

*Edmundus King, M. D.*

*Thomas Sydenham, M. D.*

*David Abercromby, M. D.*

*Carolus Conquest, M. D.*

*Jacobus Rufine, M. D.*

*Edvardus Tyson, M. D.*

*Andreas Creagh, M. D.*

Quamquam ars medica hoc in regno nunquam non floruerit, eam tamen hoc Sæculo tum quoad Theoriam, tum quoad tutiorem praxim Socii celeberrimi Collegii Medicorum Londinensium non parùm illustrarunt : quí cum sint magni ubique nominis, Scientiæque non mediocri clari, eorum Judicio, Sententiæque super aquæ hujus Salubritate nemo prudenter repugnârit, quorum sane approbatio

ed pluris facienda est, quod non modò privatum eorum non spectet commodum, sed imminuere etiam videatur cum ex assidua aquarum salzarum in locis maritimis, atque inter navigandum putrescentium computatione plurimi generari possint, ac generentur reipsa morbi, qui salubrioris hujus aquæ pota vel præpediri, ut spes est, vel removeri poterunt.

A Prima harum schedarum Editione quædam coram Serenissimo *Britanniarum Rege* facta sunt Experimenta, quibus hujus aquæ Salubritas ita ei probata est, ut eadem omnino portubus in maritimis, ubi regis Subsidiarii degunt, uti deinceps statuerit : quod jam sæpe Mercurius publicus peculiari Regis mandato divulgavit.

*Utilitas, emolumenta, commoda, terra marique  
ex aqua marinâ in dulcem ubi res exigit,  
conversâ.*

1. **S**patiosus quavis in navi locus aliis mercibus implendus relinquetur : navis proinde quinquaginta, aut sexaginta doliorum & plurium capax, graviora longè solito onera vehere poterit, quod commercium multum promovebit, maximaque navium Magistris, ac possessoribus emolumenta afferret.

2. Quanta expenditur Pecuniæ vis Cœmendis

mendis, quibus aqua vehatur, doliis ? maximè si ferro colligata fuerint, quo quæ navium usus destinantur, colligari oportebit : hujus autem Machinæ beneficio tres quartæ harum impensarum supprimentur.

3. Atteruntur pereuntque sæpe Scaphæ frequenti itu in portus, redituque aquæ dulcis conquirendæ gratiâ : unde frequens etiam nautis ebrietatis, ex quâ tot miserandi casus, offertur opportunitas : hæc autem omnia non levia sanè incommoda aqueæ hujus machinæ usus removet.

4. Coguntur sæpe naves longiorbus in navigationibus à præfixa sibi metâ aquæ dulcis penuria ad plurima sæpè milliaria deflectere, unde & secundos ventos negligere, & pluresquam opus sit, magnis impensis nautas alere necesse erit, quibus omnibus obviam itur incommodis aqua salsa ipso in Navigio dulcorata.

5. Necesse sæpè habent Nautæ anchoras rudentesque deferere quod dulcis aquæ inopiâ ad periculosa scopulosaque littora accedere compulsi fuerint.

6. Cum navigatio ex *Africa*, ex *Orientali* aut *Occidentali India* instituitur, ingentes aquarum dulcium mensuræ requiruntur, quas supra foros, quod subtus locus plerumque deficit, Nautæ statuunt. Hinc fit ut non levis Navi inter navigandum injiciatur remora & periculo non contemnendo navis ipsa exponatur.

7. Tempore malaciæ, quæ in angustiori mari

ri, fretisque, ac prope Æquatorem frequentissima est, summopere utilis erit hæc Machina cujus ope aqua salubris, insalubri substituitur perfacile.

8. *Essexia, Cantium, Venetia, Amstelodamum, Roterodamum, ceteraque loca Maritima,* quæ vel carent aquis salubribus vel solis abundant falsis, facili negotio, exiguoque sumptu aquæ hujus Machinæ beneficio saluberrimam sibi aquam comparare poterunt in oppido quod vulgo *Portsmouth* dicitur, in Urbe *Roffensi, Fennis* in *Lincolnia*, aliisque prope Mare locis, ubi aquæ nonnihil falsæ sunt adeque insalubres hæc Machina summo usui esse poterit.

9. Tempore Belli, integris classibus hæc Machina aquam suppeditabit : eritque forte adhuc novarum rerum maximi momenti detegendarum occasio.

10. Neque hic pretermittendum est, ditiores valentioresque nautas à longioribus navigationibus hætenus abhorruisse, ne & vitam, & valetudinem putrefactorum aquarum usu, manifesto exponerent periculo : cujus jam incommodi metus hujus opportunitate Machinæ omnino erit sublatus, ex quâ etiam, ut alibi insinuavi, illud commodi existet, ut Naves, jam pauciores quam hætenus operarios requirere videantur : quod in non leve Navarchorum, ac Mercatorum emolumentum cedit.

super-

Superaddimus denique omnibus hæcenus dictis sigilli instar testimonium, sententiamque honorabilis R. Boylei de hujus aquæ præstantia, ac salubritate ad Amicum Conscriptam.

---

*Epistola Honorabilis Domini, Roberti Boylei,  
ad amicum summè eruditum Doctorem, J. B.  
De aqua marina in dulcem Conversa.*

**U**T paucis pro temporis quibus premor angustiis eam tibi transactionem exponam, quæ nominis mei Mercurio publico inscribendi nuper occasio fuerat. Monendus imprimis es [cum Dominus Fitzgerald è propinquioribus mihi Consanguineis, alique non infimæ notæ viri, Regi indicassent inventam a se artem aquæ marinæ in dulcem, & salubrem, eamque copiosè exiguis sumptibus convertendæ remque a metotam & examinatam, & summopere probatam] ab ipsò Rege peramicis, honorificisque mihi verbis imperatum esse ut plenius eo super argumento coram se disserterem: cujus mandatis continuò ut obtemperarem [auditis prius, quæ Rex ipse contra facilem ipsius Machinæ usum opposuit, objectis, quibus, licet à privato homine urgerentur validiore nulla, aut æqualibus rationum momentis proposita fuerant] Regi ea quæ par erat, demissione dixi, novum hoc artificium duas in se complecti partes, Mechanicam alteram quæ

B.

ad

ad ipsam Machinam, ejusque in navibus usum, alteram Physicam, quæ ipsam ut ita loquar liquoris *potabilitatem*, atque salubritatem spectaret, facta adversus priorem a Rege ipso nec levis in speciem momenti objecta non suscepi diluenda, quæ ipse Machinæ inventor, operisque susceptores diluere erant parati: quod vero ad posteriorem, salubritatem inquam aquæ hoc arteificio præparatæ attinet, nonnulla hunc circa liquorem experimenta feceram, è quibus non modo nulla in eo insalubritatis mihi suspicio suppetebat, sed è contrà, argumenta nec pauca, nec levia quibus inducerem, ut crederem, eam omnino esse salubrem, neque solis navigatoribus fore utilem: quare cum præcipua quibus dulcoratam hanc aquam probassem, experimen- a, exposuissem, placuit Regi, insinuare iis sibi satis factum esse abunde [eaque data occasione de mari, falsifque aquis acutissime disseruit, novasque mihi, & quibus ulterius instruerem, circa easdem observationes subministravit] ac denique Dominum *Fitzgerald* cæterosque Collegas benignissimis favoris sui specialis, ac Protectionis Regiæ promissis animatos dimisit. Superest jam ut brevi huic narrationi paucis subjungam, quibus potissimum argumentis hujus aquæ salubritatem mihi ipse persuaferim: unde concludere quivis poterit quantum utilitatis ac commodi ex minus sumptuosa, facillique ejusdem præparatione in universam rempublicam redundare queat.



*Primò* itaque mecum ipse perpendebam omnem pœne *pluvialem aquam* è nubibus in Oceanum deciduam, quæ nisi forte paucis in locis iisque torridis, dubio omni procul salubris & est, & habetur, ab ipsomet mari suppeditandam, nihilq; proinde aliud esse, quam *aquam marinam* suo sale liberam, juxta vulgatum illud, *Redit agmine dulci.*

*Secundò*, Comperi, ut Rex ipse fuerat expertus, liquorem ipsum probati esse saporis absque ullis falsedinis, quæ sensu percepi posset, indiciis: Eo porro in statu quædam ejus mensura quintum prope mensem in ampliore ampullâ Chrystallinâ perseveravit, quam consultò inobstructam reliqui, atque fere semper in fenestra meridionali, ubi non modo non putrefacta aqua est, sed ne turbida quidem aut minùs Diaphana toto eo tempore apparuit: per id interea tempus eam non pauci è celebri *Medicorum Collegio Londinensi* eruditi medici, gustârunt, probâruntque.

*Tertiò*, Vim præterea peculiarem detergendi eidem inesse animadverti, quod de plerisque aquis antliis, eductis, aliisque quibus modicum salis communis licet impercepti inexistit, affirmari perinde nequit.

*Quartò*, Hæc aqua coquit ad teneritudinem pisæ, quod apud Nautas præcipuum salubris aquæ indicium est.

*Quintò*, Bilancibus legitimis adhibitis, instrumentoque ad accuratam liquorum ponderationem

rationem ex præscripto meo facto, levior quam expectari à quoquam poterat, hæc aqua reperta est : Si enim omnino à pari aquæ non distillatæ mensurâ quoad pondus discrepabat [conditionalem particulam appono in ejusmodi enim delicatioribus, ut ita loquar, experimentis, longè difficilior quam inexperti sibi fingant extrema accuratio est] discrepantia certè notabilis non erat, cum quadringentesimam inter, & quingentesimam ponderis aquæ communis partem quasi media consisteret : quod sane discrimen exiguum ac pæne nullum est, si ei comparetur quod tum Navigatores, tum Authores eruditi in aquis naturalibus salubribus, ac potui idoneis observatum aiunt.

Non foret jam abs re hîc loci addere, postremum magnum Florentiæ Ducem, ac celebris *Lyceorum Philosophorum* Academiæ Patronum, inter alia valetudinis suæ causâ, de quâ mirè sollicitus erat, usurpata, distillatam perpetuo potasse aquam. Alia insuper in hujus aquæ operisque hujusce susceptorum commendationem annectere mihi primum foret, si ita nunc expedire judicarem, aut non esset mihi properandum ad præcipui quædam momenti, quibus de hujus aquæ insipiditate tam mihi constat, quam de quo maximè.

*Sextò*, Denique memineram præcipuum eorum scopum qui variis temporibus, variisq; in regionibus aquæ marinæ dulcorationem,

ag-



aggressi fuerant, & quod maxime requirebatur tot promissis, inventoribus hujus arcani præmiis, nihil aliud fuisse quam ut aqua marina absque ullo noxio addiamento sale suo expurgaretur : in confesso enim apud omnes semper erat solam aquæ marinæ, nè potabilis fieret, falsedinem prohibere : unde in commendationem hujus aquæ, novo hoc arteficio præparatæ concludere mihi & necesse, & proum erat : cum enim jampridem brevem de falsedine maris dissertationem conscripsissem, varias, laboriosaque industriâ aquarum quâ falsarum inter se comparandarum methodos excogitaveram, quibus comperi eam, de quâ nunc aquam minus in se continere communis salis, quam contineant aquæ, quibus populus *Londinensis* vulgò utitur ad potum : cujus rei, hujus, memini, negotii susceptoribus experimentum aliquando, quo attoniti simul & convicti forent, ostendi : quod autem ad me ipsum spectat satisfactum mihi abundè fuit quodam præcipue experimento, quod studiosè summæque curâ feci, sed certo quodam modo, cujus coram Rege mentionem feci, licet, quod necdum sese obtulerit occasio, non detexerim : quocirca debitâ tanto principi Reverentia prohibeor, ne absque ejusdem facultate publici eum juris faciam : sat interim tibi in præsens fuerit duo doceri, alterum est hac experimenti faciendi ratione, quod forte mirum videri possit, si vel unicum plu-

ribus quam geminis aquæ unciiis salis inesset granum, illud promptè à me detegendum ; alterum est, hoc etiam critico examine, trutinæque quantumvis severâ, ne millesimam quidem salis partem in aquâ nostrâ præparata repertam esse : Cùm tamen experimento hanc in rem consulto, diligenterque factò Anglicam nostram aquam marinam quadragesimam quartam, aut quadragesimum quintum communis salis sicci partem, in se continere, vel quod eodem recidit, quadraginta quatuor pintas, seu Chenopinas, aut totidem propemodum aquæ marinæ libras, unam fere communis sicci salis libram suppeditare compererim.

Haftenus quantum temporis angustia ac res ipsa postulabant, meas in promovendo utilissimo hoc adinvento partes exposui, quod promoveri quàm maximè velim, non ullius privati inde commodi spe [ quanquam illud mihi perurbane à susceptoribus oblatum fuerit ] sed quod ejus omnino sententiæ sim, generalem ejus usum humano generi fore perquam utilem, variæque allaturum commoda, quæ licèt per otium liceret, homini adeo oculato enumerare supervacaneum foret.

Tibi Addictissimus,

*R. Boyleus.*

Tot tamque claris quibus aquæ hujus salubritas utilitasque demonstratur testimoniis superaddam approbationem Serenissimi Britannicæ Regis qui post primam rei divulgationem certis explorata hujus aquæ salubritate argumentis eadem in omnibus subsidiis Maritimis, uti decrevit quod speciali mandato divulgari curavit in variis *Mercuriis*, presertim in *Mercurio* edito die Lunæ *Novembris quinto 1612*, in hæc verba, *Viz.*

**A**lba Aula, Nov. 2. Majestatis suæ mandato Honorabilis Dominus Boyleus accersitus est, ut accuratissimam suam methodum qua aquarum tum dulcedinem tum falsedinem examinat, exponeret, eamque aquæ marinæ juxta Dulcoratorum artem præparatæ applicaret; quo facto coram Rege, præsentibus etiam fratre suo Illustrissimo Principe Duce Eboracense, celsitudine suâ Duce Graftoniæ, & plurimis aliis primæ notæ viris, demonstratum est, Liquore quodam per dictum Boyleum

apparato posse ostendi si vel millesima pars Salis in quavis aquæ proposita quantitate inesset : Quo Experimento cum satisfactum esset Majestati Suae Aquam Marinam illa arte dulcoratam, ad quam cum privilegio exercendam Literas suas Patentes concesserat, saltem æque puram a sale esse ac optimam quamvis in Urbe usurpatam, tam persuasam habuit ejus Salubritatem, ut diceret, esse in animo sibi illud Adinventum Regio suo favore proseguere, & ejusmodi aquam in usus Præsidiorum Maritimorum ; quibus Natura Salubrem aquam negaverat jubere adhiberi.

Et in *Mercurio* edito tertio *Martij*, 1682.  
N<sup>o</sup>. 1900. (post primam hujus Libelli Editionem) hæc habentur, *Viz.*

*Albâ Aulâ, Feb. 28.*

CUM ad aures Majestatis suæ per-  
venisset non nullos Subditorum  
Suorum adversissimis nuper ventis na-  
vigantes penè extrema perpeffos ex  
inopia aquæ dulcis, visum est Regiæ  
benignitati casus suorum commiseran-  
ti mandare ut qui Diploma suum ob-  
tinuerant artem exercendi quâ aqua  
salsomarina dulcis redditur, ubique &  
omnibus notum facerent, se eam artem  
posse utiliter exercere, quod dudum  
Majestati Suæ tam liquido constare  
fecissent, ut Machinas eorum compa-  
rari jusserit ad usus Navium Regia-  
rum & Præsidiorum quibus aquæ bo-  
næ copia non suppetit. Idcirco Re-  
giæ voluntati obsequi cupientes Diplo-  
marii omnibus & singulis per pre-  
sentes notum esse volunt *Tractatus*  
duos super ea arte fuisse conscriptos,

&

& publici juris factos qui prostant *gratis*  
 distribuendi ad Insigne *Navis* ex ad-  
 verso *Cambii Regalis* & ad *Coffeam Mari-*  
*nam* dictam, ad quos referunt eos om-  
 nes qui amplio rem ejus rei scientiam  
 optant : nam in his & summa bene-  
 ficia, & magna commoda hujus *Inven-*  
*tionis*; Facilitas, vilitasque aquam falso-  
 marinam reddendi *dulcem*, & salubritas  
 aquæ sic dulcoratæ, plenius demonstra-  
 tur : & testimonio multorum doctissi-  
 morum Medicorum comprobatur. Ad-  
 ditis ibidem literis Nobilissimi *Boylei*  
 quibus istius aquæ *Salubritatem*, *Dura-*  
*bilitatem* & *Dulcedinem* deprædicat, nec  
 non & literis a Capitano *Randoleo*  
*Macdonnel*, datis Nov. 3. 1683. ex Na-  
 vi Regia quæ vocatur *Canis Leporarius*  
 prope littus Hispanicum; quibus in lite-  
 ris dicit, se Aquam a Diplomataris sibi  
 datam antequam solueret ex Angliâ  
 per quatuor menses in Fundo *Navis*  
 habuisse, & pridie pluribus tam Milita-  
 ribus, quam Classariis Officiariis apud  
 se convivantibus gustandam exhibuisse  
 quasi ex fonte prope *Salliam* assumptam,  
 ubi

'ubi ad aquationem descensum fecisset, &  
 'ubiaqua æque bona est ac quævis intra  
 'fretum Gaditanum. Hanc omnes bibe-  
 'runt, tanquam ex illo fonte esset, nec  
 'discriminis quidquam persenserunt do-  
 'nec ipse rem ut erat narraret, tunc verò  
 'eam *collaudarunt* ut potui jucundissi-  
 'mam.

---

Transcriptum



---

Transcriptum Literarum a  
 Capitaneo *Macdonnel* ex Nave  
 Regia quæ vocatur *Canis Le-*  
*porarius* prope Littus Hispa-  
 nicum ad quendam Diplo-  
 matariorum ad Aquam Sal-  
 somarinam dulcorandam.

Domine,

**Q**Uatuor *his mensibus ultimo elapsis*  
*Marinam vestram dulcoratam*  
*( Experimenti causâ )* in Fundo  
*Navis repositam habui, ubi certò certius*  
*putruisset, & non tantum inutilis, sed &*  
*noxia facta fuisset, nisi foret optima notæ ;*  
*sed contrarium omnino evenit : nam pri-*  
*diè cum convivarent apud me non nulli tum*  
*Classarij, tum Militares Officarii, aquam*  
*vestram*



*vestram iis clam gustandam exhibui, quasi  
esset ex fonte ex quo aquabar decem circiter  
Lencis ultra Salliam ad Austrum. Omnes  
uno ore eam aquam non inferiorem esse di-  
cebant aquæ Tingitanæ quæ optima est  
omnium intra Fretum Gaditanum ; cum  
verò dicerem eam quam gustaverant esse  
aquam vestram, vix fidem adhiberent, tan-  
dem tamen collaudabant tanquam potui ju-  
cundissimam, uti re verâ est, & rogarunt  
ut suam sententiam tibi perscriberem.*

Addictissimus

Tuus Servus

Nov. 30.

1683.

R. Macdonnel.

FINIS